

古今圖書集成

中國學術類編

食貨典
上
(三)



社倉

原數丹延縣銀扶等州社倉並於當縣安置二月又詔社倉准上中下三等稅上戶不過一石中戶不過七斗下戶不過四斗

開皇十八年免遭水處租調

按隋書文帝本紀十八年秋七月壬申詔以河南八

州水免其課役 按食貨志山東額年霖雨杞宋陳

毫曹魯諸縣等諸州連於滄海皆困水災所在沉溺

十八年天子遣使將水工巡行川源相視高下發隨

近丁以疏導之困乏者開倉賑給前後用穀五百餘

石遭水之處租調皆免自是頻有年矣

仁壽二年賑河南北諸州水

按隋書文帝本紀仁壽二年九月壬辰河南北諸州

大水遣工部尚書楊遂賑恤之

唐一

高祖武德元年以穀貴給人關者課米董社倉及常

平監官又開倉賑恤

按唐書高祖本紀不載 按舊唐書本紀武德元年

十一月己酉以京師穀貴令四面入關者車馬牛驢

各給課米充其自食 按食貨志武德元年九月四

日置社倉其月二十二日詔曰特建農圃本督耕耘

思俾齊民既康且富鍾庚之量實同水火宜置常平

監官以均天下之貨市肆騰踊則減價而出田穡豐

美則增糴而收庶使公私俱濟家給人足抑止兼并

宜通糴滯

按冊府元龜元年十二月開倉以賑貧乏

武德二年制以災損分數免租調課役出庫物以賑

窮乏又以穀貴詔禁屠酤

按唐書高祖本紀二年閏二月乙卯以穀貴禁關內屠酤

按杜佑通典二年制凡水旱蟲霜為災十分損四分

以上免租損六分以上免租調損七分以上課役俱

免

按冊府元龜二年閏二月出庫物三萬段以賑窮乏

又按冊府元龜二年閏二月乙卯詔曰酒醴之用

表節制於歡娛齊聚之滋致甘旨於豐衍然而沉湎

之輩絕業忘資情虛之民騁嗜奔慾方今年穀不登

市肆騰踊趣末者衆浮冗尚多有羞糴糴重增其費

救弊之術要在權宜關內諸州官民宜斷屠酤

武德七年關中河東諸州旱遣使賑給之

按唐書高祖本紀不載 按冊府元龜云云

太宗貞觀元年以旱饑免租減膳又遣使分往諸州

賑恤

按唐書太宗本紀貞觀元年夏山東旱免今歲租十

月丁酉以歲饑減膳

按舊唐書本紀元年夏山東諸州大旱今所在賑恤

無出今年租賦八月關東及河南隴右沿邊諸州霜

害秋稼九月辛酉命中書侍郎溫彥博尚書右丞魏

徵等分往諸州賑恤是歲關中饑至有鬻男女者

按冊府元龜元年九月辛酉詔曰蟲霜為害風雨不

時政道未康咎徵斯在朕祇奉明命撫育黔黎憂恐

之至實切懷抱輕徭薄賦務本勸農必望民殷物阜

家給人足而陰陽不和氣候乖舛永言罪己撫心多

愧河北燕趙之際山西并潞所管及蒲虞之郊關延

以北或春逢亢旱秋遇霜淫或蟲賊成災嚴凝早降

有致饑饉慚惕無忘特宜矜恤救其疾苦可令中書

侍郎溫彥博尚書右丞相魏徵治書侍御史孫伏伽

簡校中書舍人辛誦等分往諸州馳驛檢行其苗稼

不熟之處使知損耗多少戶口乏糧之家存問若為

支計必當細勘速以奏聞待使人還京量行賑濟

貞觀二年詔出御府金寶贖饑民鬻子始置養倉

按唐書太宗本紀二年三月己巳遣使巡關內出金

寶贖饑民鬻子者還之庚午以旱蝗贖窮大赦 按

食貨志尚書左丞戴胄建議自王公以下計墾田秋

熟所在為義倉歲凶以給民太宗善之乃詔賦稅二

升粟麥稻隨土地所宜寬鄉斂以所種狹鄉據青

苗薄而督之田耗十四者免其半耗十七者皆免之

商賈無田者以其戶為九等出粟自五石至於五十

為差下下戶及夷獠不取焉歲不登則以賑民或貸

為種子則至秋而償

按舊唐書本紀二年三月丁卯遣御史大夫杜淹巡

關內諸州出御府金寶贖男女自賣者還其父母八

月河南河北大霜人饑 按食貨志二年四月尚書

左丞戴胄上言曰水旱凶災前聖之所不免國無九

年儲畜禮經之所明誠今喪亂之後戶口凋殘每歲

納租未實倉庫隨時出給饑饉當年若有凶災將何

賑卹故隋開皇立制天下之人節級輸粟名為社倉

終於文皇得無饑饉及大業中年國用不足並貸社

倉之物以充官費故至末塗無以支給今請自王公

已下爰及衆庶計所墾田稼穡頃畝至秋熟準其見

在苗以理勸課盡令出粟稻麥之類亦同此稅各納

所在為立義倉若年穀不登百姓饑饉當所州縣隨

五八司書集

便取給太宗曰既為百姓預作儲貯官為舉事以備凶年非朕所須橫生賦斂利人之事深是可嘉宜下所司議立條制戶部尚書韓仲良奏王公已下墾田畝納二升其粟麥稷稻之屬各依土地貯之州縣以備凶年可之自是天下州縣始置義倉每有饑饉則開倉賑給

貞觀三年詔州縣賑恤逃戶以旱避正殿求直言遣使祈雨並賑災荒諸州

按唐書太宗本紀不載

按開府元龜三年四月詔

逃戶初遷交無糧貯州縣長官量加賑恤是年秋具謹鄆泗沂徐濠蘇隴等九州永德載郭三州蝗六輔之地及綿始利三州早北邊諸州霜並遣使賑恤

又按開府元龜三年四月丙午以旱甚避正殿六月

詔曰朕以眇身祗膺大寶託王公之上居億兆之尊屬志克己詳求至治兢兢業業四載於茲矣上不能使陰陽順序風雨以時下不能使禮樂與行家給人足而關輔之地連年不稔自春及夏亢陽為虐雖復

潔誠祈禱靡愛斯牲膏雨愆應田疇廢業斯乃上元貽譴在予一人元元何辜罹此災害朕用是食不甘味寢不安席靡西郊而數惕仰雲漢而疚心內顧諸

己永懷前轍既明不自見德不被物豈實罰不衷任用失所將奢後未華苞且尚行者乎文武百辟宜各

上封事極言朕過勿有所隱是月遣開府儀同三司長孫無忌左僕射房元齡工部尚書段綸刑部尚書

韓仲良祈雨於名山大川

貞觀七年八月山東河南三十州大水遣使賑恤

按唐書太宗本紀不載 按舊唐書本紀云云

貞觀八年以水災遣使賑恤原赦獄訟

按唐書太宗本紀不載 按虞世南傳世南遂秘書

監封永興縣子貞觀八年山東及江淮大水帝憂之以問世南對曰山東淫雨江淮大水恐有冤獄枉繫

宜省錄繫囚庶幾或當天意帝然之於是遣使賑饑民申挺獄訟多所原赦

按舊唐書本紀八年七月山東河南淮南大水遣使賑恤

貞觀九年賑關東諸州旱

按唐書太宗本紀不載 按開府元龜九年秋關東

初南之地二十四州旱分遣使賑恤之

貞觀十年賑關東諸州水

按唐書太宗本紀不載 按開府元龜十年關東及

淮海之地二十八州水遣使賑恤之

貞觀十一年詔賑給水災諸司供役悉令停減

按唐書太宗本紀不載 按開府元龜十一年七月

詔以水災其雜州諸縣百姓漂失資產之絕糧食者宜令使人與之相知量以義倉賑給布告天下使明

知朕意庚子賜遺水旱之家帛十五匹半毀者八匹是月廢明德宮之元圃苑院分給河南雒陽遺水者

又按開府元龜十一年七月詔以水災諸司供進

悉令減省凡在供役量事停廢

貞觀十二年遣使賑諸州旱

按唐書太宗本紀不載 按開府元龜十二年吳楚

巴蜀之地二十六州旱遣使賑恤之

貞觀十五年二月建州言去秋風災損稼發義倉賑

按唐書太宗本紀不載 按開府元龜云云

貞觀十七年以旱災失稔詔覆囚避正殿減常膳開

倉賑給

按唐書太宗本紀不載 按開府元龜十七年三月

甲子以久旱詔曰去冬之間雪無盈尺今春之內雨

不及時載想田疇恐乖豐稔稔為政本食乃人天百

姓嗷然萬箱何冀昔煩城之婦陷霜之臣至誠所通

感應天地今州縣獄訟常有冤滯者是以上天降鑒

延及兆庶宜令覆囚使至州縣科簡刑獄以申枉屈

務從寬宥以布朕懷庶使桑林自責不獨美於殷湯

已謂侍臣曰殷湯周宣求雨懇禱昔聞其語今見其

心比望雲蒸雨灑重於金膏玉液又詔曰朕以寡德

祗膺寶命而政慙稽古誠闕動天和氣愆於陰陽尤

早涉於春夏靡愛斯牲莫降雲雨之澤許思厥咎在

予一人今避茲正殿以自勉責尚食常膳亦宜量減

京官五品已上各進封事極言無隱朕將親覽以答

天譴 又按開府元龜十七年七月汝南州旱開倉賑給

貞觀十八年以義倉賑諸州水

按唐書太宗本紀不載 按開府元龜十八年九月

戮襄豫荆徐梓忠綿宋毫十州言大水並以義倉賑

給之

貞觀十九年正月易州言去秋水害稼開義倉賑給

按唐書太宗本紀不載 按開府元龜云云

貞觀二十年正月沁州言去歲水傷稼詔令賑給

第六八二冊 之三 七 集

七人 陽 書 卷 之 五

按唐書太宗本紀不載 按冊府元龜云云

貞觀二十一年詔賑水旱蝗蟲諸州

按唐書太宗本紀不載 按冊府元龜二十一年七

月易州水詔令賑給八月冀易幽瀋書懷邪趙八州

大水連屯田員外韓贈等分行所損各家賑卹是月

萊州螟蝻食以賑貧乏十月終陝二州早詔令賑貸

湖州給貸種食十一月夔州旱渝州言風害秋稼並

詔賑恤十二月蒲州旱渠州蝗及鼠害秋稼並加賑

恤

貞觀二十二年開義倉賑諸州水旱及蝗鼠傷稼者

並貸種食

按唐書太宗本紀不載 按冊府元龜二十二

月詔建州去秋蝗以義倉賑貸二月詔泉州去秋蝗

及海水泛溢開義倉賑貸是歲瀘州交州越州渝州

徐州水戎州鼠傷稼開州萬州旱通州秋蝗損稼並

賑貸種食

高宗永徽二年開義倉以賑遭蟲水諸州

按唐書高宗本紀永徽二年正月戊戌開義倉以賑

民

按舊唐書本紀二年春正月詔曰去歲關輔之地頗

弊蝗螟天下諸州或遭水旱百姓之間致有饑乏此

由朕之不德兆庶何辜矜物罪己載深憂惕今獻歲

肇春東作方始糧廩或空事資賑給其遺蟲水處有

貧乏者得以正義倉賑貸雍同二州各遣郎中一人

充使存問務盡哀矜之旨副朕乃眷之心

永徽四年賑貸水旱諸州

按唐書高宗本紀不載 按冊府元龜四年光祿祿

類等州旱乾饑果忠等州水並賑貸之

永徽五年以旱求直言又遣使賑遺水諸州

按唐書高宗本紀五年正月丙寅以旱詔文武官朝

集使言事

按冊府元龜五年正月以時旱手詔京官文武九品

已上及朝集使各進封事極言厥咎 又按冊府元

龜五年六月詔工部侍郎王儼往河北較行遺水諸

州之絕者賑貸之

永徽六年以京師米貴出倉粟糶之置常平倉於東

西市又賑貸兩水諸州

按唐書高宗本紀不載 按舊唐書本紀六年八月

大雨道路不通京師米價暴貴出倉粟糶之京師東

西二市置常平倉

按冊府元龜六年黃沂密奏滑汴鄭蔡等州雨水害

稼詔令賑貸之

顯慶元年以近畿百姓歲凶少食特詔減膳

按唐書高宗本紀不載 按冊府元龜顯慶元年二

月上封人奏稱去歲粟麥不登百姓有食糶糠者帝

命取所食視之驚歎手詔曰上封人所進食極惡情

之憂灼中宵輟寐未言給足取愧良深夫國以人為

本人以食為天百姓不足君孰與足朕臨御天下於

今七年每蓄心庶幾軫慮農畝而政道未疑仁風猶

缺致令九年無備四氣有乖遂使去秋霖滯便即罄

竭所以行西郊而結念眷東作以勞懷豈下之常供

上甘珍饈宜令所司常進之食三分減二羣臣奏言

伏見手詔以近畿諸州百姓少食特為減膳去年雖

不善熟未是大饑陛下憂勞情深發使賑給復為減

膳在外黎庶不勝喜慶帝曰比日亦聞百姓食少不

足為至是今所見者乃非人所食物朕聞天子以百

姓心為心豈有見有如此一身獨供豐饌自見此食

憂歎不能已也三月謝雨百寮復常膳許之

顯慶四年七月己丑以旱避正殿壬辰應凶

按唐書高宗本紀云云

總章二年以旱慮凶禱神又括州冀州大水遣使賑

給劔南等十九州旱遣使賑貸

按唐書高宗本紀不載 按舊唐書本紀總章二年

六月戊申括州大風雨海水泛溢未嘉安固二縣城

郭漂百姓宅六千八百四十三區溺殺人九千七十

牛五百頭損田草四千一百五十頃冀州大水漂壞

居人廬舍數千家並遣使賑給秋七月劔南益瀘瀘

茂陵邛雅絳翼維始簡資榮隆果梓普遂等一十九

州旱百姓乏絕總三十六萬七千六百九十戶遣司

珍大夫路勵行存問賑貸癸巳冀州大都督府奏自

六月十三日夜降雨至二十日水深五尺其夜暴雨

深一丈已上壞屋一萬四千三百九十區害田四千

四百九十六頃

按冊府元龜二年二月戊辰以旱親慮京城因徒其

天下見禁囚委當州長官應之仍令所司分賜名山

大川

咸亨元年關中大饑詔往逐食仍賑給之

按唐書高宗本紀咸亨元年八月庚戌以穀貴禁酒

是歲大饑

按舊唐書本紀是歲天下四十餘州旱及霜蟲百姓

饑乏關中尤甚詔令任往諸州逐食仍轉江南租米

以賑給之

按冊府元龜元年三月以歲旱教貢詔司成弘文崇賢館及書算律醫圖書等諸色學生并別教修撰寫經書官典及書手等官供食料者宜並權停其有職任者各還本司自餘放歸本貫秋熟已後更聽進止

又按冊府元龜元年九月辛未詔贊善大夫崔承福通事舍人韋太真司衛承錯耳知正等使往江南運糧以濟貧乏十月壬辰詔雍同華等州百姓有單貧孤苦不能得食及於京城內流元街衢乞丐屢肆者宜令所司檢括具錄名姓本貫屬於故城內屯監安置量賜皮裘衣裝及糧食縣官與屯監官相知檢校十一月乙卯令運劍南義倉米萬石浮江西下以救饑人

咸亨三年關中饑增置渭橋倉

按唐書高宗本紀不載 按會要三年關中饑監察御史王師順運晉梓之粟於河渭之間增置渭橋倉自師順始也

咸亨四年婺州水詔令賑給

按唐書高宗本紀不載 按舊唐書本紀四年秋七月辛巳婺州暴雨水泛溢漂溺居民六百家詔令賑給

上元二年免旱澇農諸州租又以旱還正殿減膳撤樂求言

按唐書高宗本紀上元二年四月丙戌以旱還正殿減膳撤樂詔百官言事

按冊府元龜二年正月敕雍岐同華隴等州給復一年自餘諸州咸亨年遭旱澇農損免之家雖經登

稔家產未復宜更免一年租 又按冊府元龜二年四月久旱還正殿減膳撤樂令百官極言得失勿有所隱仍令禮部尚書楊思敬往中樞以申祈禱

儀鳳元年青齊水遣使賑卹停匠作處因徒

按唐書高宗本紀儀鳳元年八月青州海溢

按舊唐書本紀上元三年八月壬寅青齊等州海溢又大雨漂溺居人五千家遣使賑卹之

按冊府元龜上元三年八月青州大風齊淄等七州大水詔停此中尚梨園等作坊減少府監雜匠放還

本邑南京及九成宮土木工作亦罷之天下囚徒委諸州長官處之

儀鳳二年夏四月以河南河北旱遣使賑給

按唐書高宗本紀不載 按舊唐書本紀云云

按荒政考略二年夏四月江南旱遣御史中丞崔諡等分道賑給侍御史劉思立上疏曰麥秀蠶老農事方興聚集參迎妨廢不少既緣賑給須立簿書遠近共知

儀鳳三年以旱饑還正殿處囚許民在官苑樵漁

按唐書高宗本紀三年四月丁亥以旱還正殿處囚許百姓樵採漁獵

儀鳳四年二月乙丑東都饑官出糴米以救饑人

按唐書高宗本紀不載 按舊唐書本紀云云

永隆元年九月河南河北諸州大水遣使賑卹十一月洛州饑減價官糴以救饑人

按唐書高宗本紀不載 按舊唐書本紀云云

開耀元年河南河北水遣使賑之

按唐書高宗本紀開耀元年八月丁卯以河南河北大水遣使賑之絕室廬墟者給復一年溺死者贈物人三投

按舊唐書本紀永隆二年正月己亥詔雍岐華同民戶宜免兩年地稅河南河北遭水處一年八月丁卯朔河南河北大水許道水處往江淮已南就食

永淳元年以年饑教貢罷朝會減恩從兵士

按唐書高宗本紀永淳元年六月大蝗人相食

按舊唐書本紀永淳元年正月乙未朔以年饑罷朝會關內諸府兵令於鄧綬等州就穀是春關內旱日色如赭四月丙寅上以穀貴減恩從兵士庶從者多殍踣於路六月初雨麥苗湧損後旱京兆岐隴螟蝗食苗並盡加以民多疫癘死者枕籍於路詔所在官司埋瘞丁丑京師人相食寇盜縱橫秋山東大水民饑

弘道元年以歲饑停封中岳

按唐書高宗本紀不載 按舊唐書本紀永淳二年

元年改天后自封岱之後勅上封中岳每下詔草儀注以歲饑邊事警急而止

中宗嗣聖五年太后詔賑山東河南饑

按唐書武后本紀不載 按舊唐書本紀垂拱四年

春二月山東河南甚饑乏詔司屬卿王及善司府卿歐陽通冬官侍郎狄仁傑巡撫賑給

神龍元年河南河北水遣使賑給

按唐書中宗本紀不載 按冊府元龜神龍元年六

月河南河北十七州大水漂流居民害苗稼遣中郎

神龍二年以旱慮因祭禱避正殿減常膳又以河北

水大饑遣使賑給

按唐書中宗本紀二年十二月丙戌京師旱河北水

減膳罷土木工蘇瓌存撫河北

按舊唐書本紀二年十二月京師亢旱令減膳徹樂

河北水大饑命侍中蘇瓌存撫賑給

按冊府元龜二年正月以早親錄囚徒多所原有其
東都及天下諸州委所在長官詳慮又遣使祭五嶽
四瀆并諸州名山大川能興雲雨者五月以旱避正
殿尙食減膳

景龍元年遣使賑山東河北饑

按唐書中宗本紀不載 按舊唐書本紀神龍三年

元景龍二年夏山東河北二十餘州旱饑疫死者數
千計遣使賑卹之

按冊府元龜神龍三年夏命戶部侍郎樊悅巡撫賑
給

景龍二年以河朔諸州饑遣使賑恤又賑荊州水

按唐書中宗本紀不載 按冊府元龜景龍二年二

月以河朔諸州多饑乏命魏州刺史張知泰攝右御
史兼大夫巡問賑恤七月荊州水制令賑恤

景龍三年發倉廩賑饑又遣使賑關中水旱

按唐書中宗本紀不載 按冊府元龜三年三月制
發倉廩賑饑人十月以關中旱及水命大理少卿侯

令德等分道撫問賑給

睿宗景雲二年以河南淮南諸州水旱遣使巡撫賑

按唐書睿宗本紀不載 按冊府元龜景雲二年八

月河南淮南諸州上言水旱爲災出十道使巡撫仍
令所在賑恤

先天元年春旱七月丙戌以旱減膳

按唐書睿宗本紀云云

先天二年二月辛丑以雨霖避正殿減膳

按唐書睿宗本紀云云

元宗開元二年關內饑遣使賑給又詔天下行常平
法積貯備荒

按唐書元宗本紀開元二年正月壬午以關內早求
直諫停不急之務寬繫囚祠名山大川拜暴骸 按

張廷珪傳廷珪再遷禮部侍郎開元初大旱關中饑
詔求直言廷珪上疏曰古有多難興國殷鑒啓聖蓋

事危則志銳情苦則慮深故能轉禍爲福也景龍先
天間凶黨構亂陛下神武決掃氛垢日月所燭無不

濡澤明明上帝宜錫介福而頃陰陽愆候九穀失稔
關輔尤劇臣思天意殆以陛下春秋鼎盛不崇朝有

大功輕堯舜而不法思秦漢以自高故昭見咎異欲
日慎一日永保太和是皇天於陛下聰穎深矣陛下

得不奉若休咎而寅畏哉誠願約心削志考前王之
書敦素樸之道登端士放佞人屏後宮減外廩場無

蹴鞠之玩野絕從禽之樂促遠境罷縣戍矜惠憐獨
獨薄徭賦去淫巧捐珠璣不見可欲使心不亂或謂

天戒不足畏而上帝鴻怒風雨迷錯荒饉日甚則無
以濟下矣或謂人窮不足恤而德兆禍難愁苦昏墊

則無以奉上矣斯安危所繫禍福之原奈何不察
按舊唐書本紀二年春正月關中自去秋至於是月

不雨人多饑乏遣使賑給制求直諫言弘益政理者

名山大川並令祈祭

按冊府元龜二年正月戊寅敕曰如聞三輔近地幽
隴之間頃緣水旱素不儲蓄數販百姓已有饑者方

春陽和物皆遂性豈可爲之君上而令有窮愁靜言
思之遂忘寢食宜令兵部員外郎李懷讓主爵員外

郎慕容珣分道即馳驛往岐華同幽隴等州指宣朕
意灼然乏絕者速以當處義倉量事賑給如不足兼

以正倉及未豐倉米充仍令節減諸救懸絕者還日
奏聞 又按冊府元龜二年正月關中饑下詔曰朕

聞諸易曰先天而天弗違後天而奉天時天且弗違
况於人乎因斯而言則君事於天養於人行月令順

時物也朕以不德恭膺斯運靜言詢政每用憂勞屬
歲歲發春東風解凍土膏脈散草樹自榮而天久不

雨元元何辜孰可以授農事拯彼饑者豈布德利施
慶惠尚不及歟豈掩骼埋胔無窮無窮而不及歟豈

名山大川修祭命祀尚不及歟欽若令典惟增所懼
緬懷大猷思補其闕有司可稽春令以稱朕心其有

直諫昌言弘益政理者朕將親覽周或隱避不急之
務一切停息見禁因徒速令處置宜從寬大勿使稱

冤本州本軍刺史軍將境內所有名山大川能興雲
致雨者並宜祈祭其有僞屍暴骸無主收斂者亦仰

埋掩量致祭訖各具狀奏聞應須酒脯宜用官物古
者雪冤婦於東海問刑人於北寺則以旱之故應時

如響至於山不童澤不竭使霈然以降而致之復
何遠也將達精誠務修獨潔俾幽坎遂性飛走從宜

則冀天之愛人月離於畢顯駭之望感而遂通布告

起通令知此意二月帝親臨囚徒宰臣等奏曰陛下
亢旱親降德音減膳徹樂朝野之人無任欣感然食
粟之馬在廄猶多臣請馬料日減其半迴給餼戶則
人畜皆濟免供億之乏許之四月壬子以久雨命有
司禁京城門 又按開府元龜二年閏二月十八日
敕年歲不稔有無須通所在州縣不得開糧各令當
處長吏簡較 又按開府元龜二年九月詔曰天下
諸州今年稍熟穀價全賤或慮傷農常平之法行自
往古苟絕欺隱利益實多宜令諸州加時價三兩錢
和糴不得抑敕仍交相付領勿許懸欠糴麥時熟較
米必貴即令減價出糴豆等堪貯者熟亦宜准此以
時出入務在利人江嶺淮浙劍南地皆下濕不堪貯
積不在此例其常平所須錢物宜令所司支料奏聞
並委長官專知改任日遞相付受且以天災流行國
家代有若無權儲之備必致饑饉之憂縣令親人風
俗所繫隨富處豐約勸課百姓未辦三載之糧且貯
一年之食每家別為倉窖非蠶忙農要之時勿許破
用仍委刺史及按察使簡較覈察不得容其矯妄
開元三年以旱避正殿減常膳求直言錄因禱祀又
以河南北蝗水為災遣官宣撫賑貸
按唐書元宗本紀三年五月丁未以旱錄京師囚戍
申避正殿減膳
按開府元龜三年五月戊申以旱故下詔曰司牧生
人愛之如子雖茲災旱倍切憂勤將理政不明邪冤
因有滯邪疵積道長邪陰陽氣隔邪何崇朝雲雲布
未洽也敕加寅畏弗敢荒寧誠不動天歎深罪己思
從避減以塞愆尤俾月離有期星退何遠朕今避正

殿減常膳仍令諸司長官各言時政得失以輔朕之
不逮天下見禁囚徒中或以痛自誣者各令長官審
加詳覆疑有冤濫隨事案理仍告於社稷備展誠祈
諸州早處有山川能興雲致雨者亦委州縣官長連
加禱祀 又按開府元龜三年七月詔曰古之為國
者藏之於人百姓不足君孰與足比者山東邑郡歷
年不稔朕為之父母欲安黎庶恤彼貧弊拯其流亡
靜而思之非不勤矣今者風雨咸若京坻可望若貧
糧地稅庸調正租一時併徵必無辦法河北諸州宜
委州縣長官勘責灼然不能支濟者稅租且於本州
納不須徵待至春中更別處分有貨糧迴薄等亦
量事減徵 又按開府元龜三年十一月乙丑詔曰
君以人為本人以食為天雖水旱蟲螟代則嘗有有
一於此胡寧不恤問者河南河北災蝗水湧之處其
困弊未獲安存念之憮然不忘籍籍宜令禮部尚書
鄭惟忠持節河南宣撫百姓工部尚書劉知柔持節
河北道安撫百姓其被蝗水之州量事賑貸務安其
俗稱朕意焉
開元四年詔簡較蝗蟲又詔州縣義倉本備饑年賑
給不得回造
按唐書元宗本紀不載 按開府元龜四年五月甲
辰詔曰今年蝗蟲暴起乃是孽生所繇官司不早除
遏俾蟲成長侵食田苗不恤人災自為身計向若信
其拘忌不有指麾則山東田苗掃地俱盡使人等至
彼催督其中猶有推托以此當委官員責實若有勤
勞用命保護田苗須有褒貶以明得失前後使人等
審定功過各具所繇州縣長官等姓名聞此蟲若不

盡除今年還更生子委使人分州縣計會勿使遺類
是時山東諸州蝗蟲五月末在處生於陂澤園田尤
甚縣官或隨處掘埋瘞放火焚滅殺百萬餘石餘
皆高飛撲海蔽天掩野會潮水至盡漂死焉蝗蟲積
成堆岸及為鵲鳥白鵲鵲所食種嗣遂絕八月詔
河南北簡較蝗蟲使狄九嗣康敬昭高道昌賈珍璿
等宜令待農盡看刈禾有大第然後入京奏事恐山
澤之內或遺子息農隙已後各令府州縣長簡較仍
告按察使如來年巡察更令蠲出所繇官量事貶降
又按開府元龜四年五月敕曰天下百姓皆有正
條正租州縣義倉本備饑年賑給若緣官事便用還
以正倉却填近年已來每三年一度以百姓義倉造
米遠送交納仍勒百姓私出腳錢即并正租一年兩
度打腳雇男鬻女折舍賣田力極計窮遂即逃竄勢
不獲已情實可矜自今已後更不得以義倉回造已
上道者不在停限以後若不熟之少者任所司臨時
具奏聽進止其脚並以官物充
開元五年二月甲戌免河南北蝗水州今歲租
按唐書元宗本紀云云
按舊唐書本紀五年二月河南河北遭澇及蝗蟲處
無出今年地租
按開府元龜五年五月詔曰河南河北去年不熟今
春亢旱全無麥苗雖令賑給未能周贍所在饑弊特
異尋常如聞至今猶未得雨事須存問以慰其心從
此發使又恐勞擾宜降恩制令本道按察使安撫其
有不收麥處更量賑賑使及秋收仍令勸課種黍徐
及旱穀等使得接糧應有事急要者宜委使人量倍

古今圖書集成

事有不便於人須有釐革者准此

開元六年詔開義倉貸給農民以京坻轉積令所司變造俾便公私又以早避正殿慮因

按唐書元宗本紀六年八月庚辰以早慮因

按冊府元龜六年三月詔曰德惟善政政在養人必將厚生阜俗利物弘義朕奉若天命嗣膺王業思一物失所以百姓為心問者河北河南頗非善熟人間糧食因應乏少頃雖分遣使臣已令巡問猶慮獨不能自存凡立義倉用為歲備今舊穀向沒新穀未登蠶月務殷田家作苦不有惠恤其何以安宜開彼用儲時令貸給京坻轉積歲月滋壤因而變造為利弘多將以散滯收斂理財均施所司合作條件俾便公私 又按冊府元龜六年七月帝以亢旱不御正殿於小殿視事詔曰皇天應人必有所謂此月少雨蓋非徒然深慮繫囚或有冤滯京城內諸司見禁囚徒並以來日過朕將親處所司量准舊典其杖以下情不可恕者速決自餘即放却

開元七年以早損苗祈禱慮因避正殿徹樂減膳

按唐書元宗本紀七年閏七月辛巳以早避正殿徹樂減膳

按冊府元龜七年七月詔曰今月之初雖降時雨自此之後頗憊甘液如閭閻近禾豆微致焦萎深用憂勞式資祈請丘疇則久常典宜遵即令禮部侍郎王丘太常少卿李薦分往華嶽河濱祈求甲申親慮因於宣政殿事非切害悉原之詔曰朕以匪德嗣膺不命雖日慎為誠政期以康而天災流行誠或未敢自孟秋在候雨澤愆足水念農畝用懷宵旰在予之責

萬方何罪視人如傷一物增休且夫修政之要恤刑之重難得情勿喜辜僭無濫將恐此輩猶有冤人或傷於和而作此厲法惟明慎事藉躬親故爰加案省開其幽滯雖士師不究時稱閱實而愚者自陷朕甚愍焉故屈常法特申寬典丙戌詔曰爰自春首頗愍甘澤春茲近旬將損嘉苗人天謂何風夜增休登刑罰莫省罪獄其紛儻致吁嗟是生災亢故京師因繫親慮原赦而郡縣控半將何恤恤半分之道載軫於懷天下諸州見繫囚徒宜令所錄長官便慮有司即此類作條件處分

開元八年以諸州水旱免通賑給

按唐書元宗本紀八年三月甲子免水旱州通貢

按冊府元龜八年二月以河南淮南江南類遭水旱遣吏部郎中張旭等分道賑恤四月華州刺史賈思仁奏乏絕戶請以永豐倉賑給從之 又按冊府元龜八年二月詔曰朕臨御寰極永思政理黃屋成屈己之勞崇農多在予之念昔恐微物或失大道未臻私奉唐圖載深寅畏去年諸處並多水旱歲儲不給生業靡安言念下人用增憂旰天下遺損州通租懸調及勾徵特宜放免 又按冊府元龜八年六月河南府穀雜准三水泛漲漂溺居人四百餘家壞田三百餘頃諸州當防丁當番衛士掌閑廩者千餘人遣使賑恤及助脩屋宇其行客溺死者委木貫存恤其家

開元九年以諸州水旱赦所司祭禱

按唐書元宗本紀不載 按冊府元龜九年夏五月己未敕諸州水旱時有其五獄四瀆宜令所司差使

致祭自餘名山大川及古帝王并名賢將相陵墓並令所司州縣長官致祭仍各修飾洒掃

開元十年賑給遺水諸州

按唐書元宗本紀十年六月丁巳河決博棣二州七月庚辰給復遺水州

按冊府元龜十年正月命有司收內外官職田以給逃還貧下戶其職田以正倉粟畝二斗給之四月詔曰朕聞懷州去年備件不熟宜令刺史崔子源察審問貧下不支濟者量加賑貸八月以東都大雨伊汝等水泛漲漂壞河南府及許汝仙陳等州廬舍數千家遺戶部尚書陸象先存撫賑給

開元十一年詔更賑給河南府及懷州水旱

按唐書元宗本紀不載 按冊府元龜十一年正月詔河南府遭水百姓前令量事賑濟如聞未能存活春作將與恐乏糧用宜令王怡簡問不支濟者更賑給務使安存又以懷州去歲早損命有司量加賑給開元十二年詔河南南北百姓農蠶辛苦停納貨糧又以河東北蒲同兩州旱遣使賑給親給內壇并出倉米減價賤糶

按唐書元宗本紀不載 按冊府元龜十二年三月詔曰河南河北去歲雖熟百姓之間頗聞辛苦今農事方起蠶作就功宜令御史分往巡行其有貨糧未納者並停到秋收 又按冊府元龜十二年七月河東河北早命中書舍人寇泚宣慰河東道給事中李昇期宣慰河北道百姓有匱乏者量事賑給帝親禱於內壇場三日驟立 又按冊府元龜十二年八月詔曰蒲同兩州自春偏旱慮至來歲貧下少糧宜令

太原倉出十五萬石米付蒲州米豐倉出十五萬石米付同州減時價十錢糧與百姓

開元十三年以百姓頻年不稔放免懸欠地稅

按唐書元宗本紀不載 按開府元龜十三年正月詔曰元率地稅以置義倉本防餘年賑給百姓頻年不稔通租頗多言念貧人將何以濟今獻春布澤務叶時和自開元十二年閏十二月以前所有未納懸欠地稅宜放免

開元十四年以旱分命六卿祭山川又遣使賑災荒諸州

按唐書元宗本紀不載 按舊唐書本紀十四年秋十五州言旱及霜五十州言水河南河北尤甚蘇同常福四州漂壞廬舍遺御史中丞宇文融檢覆賑給之

按開府元龜十四年六月丁未以久旱分命六卿祭山川詔曰五獄視三公之位四瀆當諸侯之秩載於祀典亦爲國章方屬農功頗增旱暵虔誠徒積神道未平用申靡愛之勤冀通能潤之感宜令工部尚書盧從愿祭東嶽河南尹張敬忠祭中嶽御史中丞兼戶部侍郎宇文融祭西嶽及西海河漢太常少卿張九齡祭南嶽及南海黃門侍郎李嵩祭北嶽右庶子何翼祭東海宗正少卿鄭絳祭淮瀆少詹事張晤祭江瀆河南少尹李暉祭北海及濟瀆且謂萬物者莫先乎雨動萬物者莫先乎風眷彼靈神是稱神伯雖有常祀今更陳祈宜令光祿卿孟溫祭風伯左庶子吳兢祭雨師各就壇壝務加崇敬但蕞蕞不假牲牢應緣奠祭尤宜精潔壬戌以旱及風災命官及州

縣長官上封事指言時政得失無有所隱 又按開府元龜十四年七月以懷鄭許滑衛等州水潦遣右監門衛將軍知內侍省事黎敬仁宣慰如有遺損之處應須營助賑給並委使與州縣相知量事處置九月命御史中丞兼戶部侍郎宇文融往河南河北道遭水州宣撫若屋宇摧壞牛畜俱盡及征人之家不能自存立者量事助其修葺十一月詔曰近聞河南宋沛等州百姓多有流徙逐熟去者須知所詣有以安存宜令本道勸農事與州縣檢責其所去及所到戶數奏聞

開元十五年遣使賑給貧乏停放貸糧又轉江淮米賑水旱州

按唐書元宗本紀不載 按舊唐書本紀十五年二月遣左監門將軍黎敬仁往河北賑給貧乏秋六十三州水十七州霜旱河北饑轉江淮之南租米百萬石以賑給之

按開府元龜十五年四月詔曰河南河北諸州去年緣遭水潦難頻加賑貸而恐未小虞言念於茲無忘鑒茲爰自春夏雨澤以時兼聞夏苗非常茂好既即收穫不慮少糧然以產業初營儲積未贍若非寬惠不免艱辛其貸糧麥種穀子迴轉變造諸色欠負等並放候豐年以漸徵納冀麥事畢及至秋收後並委刺史縣令專勾當各令貯積勿使妄有費用明加曉諭知朕意焉 又按開府元龜十五年七月戊寅冀州幽州莫州大水河水泛溢漂損居人室宇及稼穡並以倉糧賑給之丙辰詔曰同州鄜州近屬霖雨稍多水潦爲害念彼黎人載懷憂惕宜令侍御史劉彥

回乘傳宣慰其有百姓屋宇田苗被漂損者量加賑給八月制曰河北州縣水災尤甚言念蒸人何以自給朕當宁典想有勞肝旻在予之責用軫於懷宜令所司量支東都租米二十萬石賑給十二月以河北饑甚轉江淮租米百萬餘石賑給之

開元十六年以久雨降罪赦以常平本錢加價收糶備荒又河南諸州旱損遣使賑給

按唐書元宗本紀十六年九月丙午以久雨降罪赦以下原之

按舊唐書食貨志十六年十月敕自今歲昔熟穀價至賤必恐傷農加錢收糶以實倉廩縱逢水旱不慮阻饑公私之間或亦爲便宜令所在以常平本錢及當處物各於時價上量加三錢百姓有難易者爲收糶事須兩和不得限數配糶認具所用錢物及所糶物數申所司仍令上佐一人專勾當

按開府元龜十六年九月以久雨帝思宥罪緩刑乃下制曰古之善爲邦者重人之命執法之中所以和氣洽嘉生茂今秋京城連雨隔月恐耗其膏粒而害於乘盛抑朕之不明何政之闕也永惟久雨者陰氣凌陽冤塞不暢之所致也持獄之吏不有刑罰生於刻薄輕重出於愛憎抑詩曰此宜無罪汝反收之刺壞法也書曰與其殺不辜寧失不經明慎刑也好生之德可不務乎兩京及諸州繁庶應推從已下罪並宜釋放死罪及流各減一等庶得解吾人之愷結迎上天之福祐布告遐邇知朕意焉 又按開府元龜十六年十月詔曰河南道宋老詩仙徐鄴漢兗州奏早損宜令右監門衛大將軍黎敬仁往彼巡問如有

古今圖書集成

不支濟戶朕須賑給與州縣長官相知量事處置訖
同日具狀奏聞

欽定古今圖書集成經濟彙編食貨典

第七十二卷目錄

荒政部彙考五

唐一 開元九則 天寶四則 肅宗一則 代宗一則 肅宗一則 德宗二則 寶應一則 興元一則 貞元十六則 憲宗一則 穆宗一則 敬宗一則 文宗一則 宣宗一則 懿宗一則 僖宗一則 昭宗一則 哀宗一則 末則

食貨典第七十二卷

荒政部彙考五

唐一

開元二十年詔州縣審責貧戶貸以義倉又賑河南水及河北饑

按唐書元宗本紀不載 按盧從愿傳從愿開元十八年遷太子賓客二十年河北饑詔為宜撫處置使發倉廩賑饑民

按開府元龜二十年二月辛卯制日用天之道分地之利此庶人之事也非濟育無以致其功務在三時遵其五教此邦家之典也非悅勸無以成其業朕當夜分思理明發聽朝惠綏羣元若保赤子議獄以緩死薄征以息人年穀頗登時政庶幾而家給之長仍政未均蠶利之徒猶聞糴糶種成求倍息致令貧者日削富者歲滋非所謂益寡以多務積敦本之方也思弘惠恤以拯貧甿且義倉元置與衆共之將以克濟斯人豈徒蓄我王府自今已後天下諸州每置

古今圖書集成

經濟彙編食貨典第七十二卷荒政部

殷桑令諸縣審責貧戶應糧及種子賑其口糧貸義倉至秋熟後照數徵納庶耕者成業貧人知勤生厚而德正時順而物成國富家肥於是乎在凡厥主守稱朕意焉三月詔曰天生蒸民樹之司牧將興化濟俗育物阜時朕對越明靈作人父母因地利以觀稼樂歲成而報功期於富庶俾之寧輯故嘗納隍夕惕負展晨興受一服則思紆績之勤務三時則憂畝畝之害每因水潦方降則使隄防必葺去歲已來頻有處分所縣簡慢或未躬勸河南數州致滋水損州縣牧宰何以自安被損之家何以存濟宜令戶部侍郎張敬輿宣慰簡覆如實有損貧下不支濟百姓量事賑給務令憂恤稱朕意焉是歲河北穀貴遣太子賓客盧從愿為宣撫處置使開倉以救饑饉 又按開府元龜二十年九月戊辰河南道宋滑兗鄆等州大水傷禾稼特放今年地稅

按唐書元宗本紀不載 按裴耀卿傳耀卿字煥之開元二十年遷京兆尹明年秋雨雪霖京師饑帝將幸東都召問所以救人者耀卿曰陛下既東巡百司畢從則太倉三輔可遣重臣分道賑給自東都益廣漕運以實關輔開輔既實則乘與西還事竣不濟且國家大本在京師但秦地狹水旱易置往貞觀永徽時祿粟者少歲漕粟二十萬略足今用度廣運數倍且不支故數東幸以就救粟為國大計臣願廣陝運道使京師常有三年食雖水旱不足憂今天下輸丁約四百萬使丁出百錢為陝洛運費又益半為營客用分納司農河南陝州又令租米悉輸東都從都

至陝河益湍沮若廣漕路變陸為水所支尚萬計且河南租船候水始進吳工不便河漕處處停留易生隱盜請置倉河口以納東租然後官自顧數分入河洛度三門東西各集數倉自東至者東倉受之三門迫險則旁河鑿山以開車道運數十里西倉受之度宜徐運抵太原倉趨河入渭更無留阻可減費鉅萬天子然其計拜黃門侍郎同中書門下平章事充轉運使於是置河陰集津三門倉引天下租絲鹽津沂河而西三年積七百萬石省運費三十萬緡或曰以此緡納於上足以明功答曰是謂以國財求寵其可乎較吏為和市費遷侍中

按舊唐書本紀二十一年關中久雨害稼京師饑詔出太倉米二百萬石給之

按開府元龜二十一年四月以久旱命太子少保陸象先戶部尚書杜暹等七人往諸道宣慰賑給仍令黜陟官吏疎決囚徒

開元二十二年遣使巡問乏糧諸州量給種子又以京畿關輔頻年不稔詔停一切徭役欠負其今年租賦地稅亦並放免

按唐書元宗本紀不載 按舊唐書本紀二十二年春正月乙酉懷衛邢相等五州乏糧遣中書舍人裴敦復巡問量給種子

按開府元龜二十二年十一月敕曰百姓屢空朕執與足言念於此良所疚懷如聞京畿及關輔有損田百姓等屬頻年不稔久乏糧儲雖今歲薄收未免辛苦宜從蠲省勿用虛弊至如州縣不急之務差科徭役并積年欠負等一切並停其今年租入等已下特

第六八二冊 之四一葉

宜放免地稅受田一項已下者亦宜放免

按文獻通考二十二年敕應給貸糧本州錄奏待敕到三口以下給米一石六口以下給米兩石七口以下給米三石如給粟準米計折

開元二十三年以百姓艱弊停徵公私舊債又賑給江淮已南諸遭水處

按唐書元宗本紀不載 按舊唐書本紀二十三年八月戊子制江淮已南有遭水處本道使賑給之

按開府元龜二十三年五月詔曰如聞開輔釐麥雖稍勝常年百姓所收穫得自給若無侵假還慮艱難其先欠百司職田及諸色應合至釐麥時徵已有處分訖其公私舊債亦宜停徵貸下百姓有儲力買賣與富兒及王公已下者任依常式

開元二十五年以今歲豐熟詔加價和糴所在貯掌以備荒

按唐書元宗本紀不載 按開府元龜二十五年九月戊子敕曰適變從宜有國常與恤人濟物為政所先今歲秋苗遠近豐熟時穀既賤則其傷農事資均糴以利百姓宜令戶部郎中鄭昉殿中侍御史鄭章於都畿據時價外每斗加三兩錢和糴粟三四百萬石所在貯掌江淮漕運固甚煩勞務在安人宜令休息其江淮間今年所運租稅其關輔委度支郎中兼侍御史王翼准此和糴粟三四百萬石應須船運等即與所司審計料奏聞

開元二十六年以開決鹹鹵荒廢地散給貧戶及逃還百姓詔韓廣慶小麥貯於朔方軍城

按唐書元宗本紀不載 按開府元龜二十六年正月

月丁丑制項以櫟陽等縣地多鹹鹵人力不及便至荒廢近者開決皆生稻苗亦既成功豈專其利京兆府界內應雜開稻田並宜散給貧者及逃還百姓以為永業 又按開府元龜二十六年三月丙申敕曰朕聞寧慶兩州小麥其賤百姓出糶又無人糴衣服之間或慮難得宜令所司與本道支使計會每斛加於時價一兩錢糴取二萬石變造麵飯貯於朔方軍城

開元二十七年詔以今歲豐稔令天下諸州收糴入倉以防水旱

按唐書元宗本紀不載 按開府元龜二十七年九月敕曰理國者在乎安人安人者在乎足食以古先哲后立法濟時使家有三年之儲國有九年之蓄雖遇水旱終保康寧則堯湯之代繇此道也朕以薄德不承廣圖身雖在於九重心每同於兆庶而微誠克送上帝降祥今歲物已秋成農郊大稔豈但京坻之積有同水火之饒宜因豐稔預為收貯濟人救乏孰先於茲宜令所司速計料天下諸州倉有不充三年者宜量取今年稅錢各委所轄長官及時每斗加於時價一兩錢收糴

開元二十八年敕使賑給河北

按唐書元宗本紀不載 按開府元龜二十八年十月河北十三州水敕本道採訪使量事賑給

開元二十九年遣使賑恤東都河北諸州縣災損處不待奏報先行賑給

按唐書元宗本紀不載 按舊唐書本紀二十九年九月大雨雪稻禾偃折又霖雨月餘道途阻滯是秋

河北博洛等二十四州言雨水害稼命御史中丞張倚往東都及河北賑恤之

按開府元龜二十九年制曰本制倉儲用防水旱朕每念黎庶嘗憂匱乏承前有遺損之州皆待奏報然後賑給近年亦分命使臣與州縣相知處置尚慮道路應遠往復淹滯以此恤人何救懸絕自今已後若有損處應須賑給宜令州縣長官與採訪使勘會量事給訖奏聞朕當遣使臣宣慰按覆

天寶四載詔以常平錢收糴大麥貯積備荒

按唐書元宗本紀不載 按開府元龜天寶四載五月詔曰如聞今載收麥倍勝常歲稍至豐賤即慮傷農處置之間事資通濟宜令河南河北諸郡長官取當處常平錢於時價外別加三五錢量事收糴大麥貯掌其義倉亦宜在此仍委採訪使勾當便勘覆具數一時錄奏諸道有糧儲少處各隨土宜如堪貯積亦准此處分

天寶十二載詔勞損州郡令御史宣撫賑給又以京城霖雨米貴出太倉米減價糴與貧人

按唐書元宗本紀不載 按舊唐書本紀十二載八月京城霖雨米貴出太倉米十萬石減價糴與貧人

按開府元龜十二載正月丁卯詔曰河東及河淮間諸郡去載微有勞損至於乏絕已令給糴如聞郡縣尚未賑恤方春在候農事將興或慮百姓艱難未能存濟宜每道各令御史一人即往宣撫應有不支持者與所轄計會隨事賑給如當郡無食及不充聽取比郡者分付務令勝致以副朕懷

按唐書元宗本紀不載 按舊唐書本紀二十九年九月大雨雪稻禾偃折又霖雨月餘道途阻滯是秋

按唐書元宗本紀不載 按舊唐書本紀二十九年九月大雨雪稻禾偃折又霖雨月餘道途阻滯是秋

按唐書元宗本紀不載 按舊唐書本紀二十九年九月大雨雪稻禾偃折又霖雨月餘道途阻滯是秋

天寶十三載以京城霖雨乏食出太倉米賤糶濟貧民

按唐書元宗本紀不載 按舊唐書本紀十二載秋霖雨積六十餘日京城垣屋傾壞殆盡物價暴貴人多乏食令出太倉米一百萬石開市場賤糶以濟貧民

天寶十四載以歲饑乏減糶賑給又以早傷宿麥遣官祭禱

按唐書元宗本紀不載 按開府元龜十四載正月以歲饑之故下詔曰嘉穀不登古今薦有勸分之義皇王善經且豐熟已來歲時頗久豈有餘糧棲載誠恐極賤傷農所以積之京坻用防水旱爰自二載稍異有年粟麥之間或聞未踰比開倉賤糶以濟時須雖且得支持而價未全減微糧種子尚慮不充是用調恤俾之寬泰在於處置須均有無今更出倉務令家給俾其樂業式副朕心宜於太倉出糶一百萬石分付京兆府與諸縣糶每升減於時價十文河南府隸縣出三十萬石太原府出三十萬石榮陽臨汝等郡各出粟二十萬石河內郡出米十萬石陝郡出米二萬石并每斗減時價十文糶與富處百姓應緣開場差官分配多少一時各委府郡縣長官處置乃令採訪使各自勾當其太倉含嘉出粟兼令監倉使與府縣計會處分其奉先同官華原等縣與中部郡地近宜推諸縣例數便於中部請受其餘將有司者仰惟此其天下府縣百姓去數有損受不支濟者仰所縣審勘實除有倉糧之外仍便據籍地項畝量與種子京兆府及華陽馮翊扶風等郡既是近輔須別優

矜雖非損戶或有乏少種子者亦仰每鄉量宜准給并委採訪使與府郡長官計會即與處置使及營農使其種子既須好粟仍取新地稅分付京畿府郡京草雖已加價尚聞難辦宜度支各與所縣計會支料得至今載終已來用足之外應未送者量事停減賑給糶倉於貧濟乏務從撫實無使隱欺如官人及富有之家與正井號獲諸色輒私侵糶兼有乞取或虛著人名詐來請受者其自五品已上官蔭人等錄奏當別有處分六品已下并白身者便決一頓仍准法科絕所縣等官不能覺察及自抵犯者亦與同罪又按開府元龜十四載三月詔曰近日以來時雨未降在於宿麥處有所傷雖憂勤之心不忘於黎庶而精誠之至冀展於靈祇宜令太子太師陳希烈祭元冥光祿卿李愔祭風伯國子祭酒李麟祭雨師仍取今年二十三日各申誠請務令蠲潔如朕意焉又詔曰開輔郡邑濡澤屢施京城在近時雨未降是用軫慮匪寧於懷其諸郡壇雖已動請收資遍祭庶達誠心宜令吏部侍郎蔣烈今年二十五日祭天皇地祇給事中王維等分祭於五星壇務申虔潔以副朕懷

肅宗 年以百姓饑能賑貧乏者聽以爵秩按唐書肅宗本紀不載 按旌政考略肅宗時百姓饑於兵盜米斗至錢七千繫棟為糧民行之食者屬路乃詔能賑貧乏者寵以爵秩

乾元元年三月辛卯以歲饑禁酤酒麥依常式按唐書肅宗本紀不載 按舊唐書本紀云云乾元三年令中使煮粥餉餒

按唐書肅宗本紀不載 按開府元龜乾元三年二月以米貴斗至五百文多饑死令中使於西市煮粥以餉餒者

寶應元年代宗即位詔水旱州縣勿科率按唐書代宗本紀寶應元年四月己巳即皇帝位十月乙卯詔浙江水旱百姓重困州縣勿輒科率民疫死不能葬者為瘞之

按開府元龜代宗寶應元年十月乙卯敕曰浙江東西去歲早損所出租賦頗甚艱辛今秋已來復聞遭水百姓重困何以克堪朕所以未明求衣日昃忘食思弘理道良用疚懷今所徵收雖正租庸而已其餘差役咸使矜量願亦申明冀稍安輯如聞諸道節度使不承正敕妄有徵科州縣望風便行文牒務為逼迫自應誅求事且因循轉用生弊不有懲革何以息人自今已後宜令本道觀察及租庸使嚴加訪察其州縣除正敕支遣外不得轉承諸使文牒徵率一物已上如或有犯便仰停務具名彈奏又聞抗越間疾疫頗甚戶有死絕未削版圖至於稅賦或無舊業田宅延及親鄰言念疲人豈堪兼役致令逃散誠有哀矜亦委租庸使與本州審細勘責據實戶差遣處置訖具狀聞奏仍委刺史縣令設法招撫最之間後貶斯在其為死絕家無人收葬仍令州縣埋瘞厥臨御哀瀛為人父母一物失所每動罪己之心四方未率彌軫納隍之慮庶尹卿士友邦冢君宜悉朕懷其數至理

代宗大曆四年以京城連雨米貴減糶官米以惠貧民獨放淮南租庸地稅

古今圖書集成

按唐書代宗本紀不載 按舊唐書本紀大曆四年八月丙申朔自夏四月連雨至此月京城米斗八百文官出米二萬石減估而糶以惠貧民

按冊府元龜四年十一月甲子詔曰比屬秋霖頗傷苗稼百姓種麥其數非多如聞村閭不免流散其大曆五年夏麥所稅特宜與減常年稅乙亥敕曰王者以家宰制國用司倉貲歲成必視豐荒之年以均賦人之數自近古以來天下郡縣或有水旱之處則亦減其田賦休其力役不急之務不便於時亦皆節省以惠窮之上天眷命屬朕黎元敢不敬承勳於勤卹躬自儉薄刑于家邦非上薦宗廟下資軍旅未嘗私於所幸更有徵求藏之於人孰謂不足乃者屬歲邦賦以勸農耕而四時罔借九扈皆叙近自關右達於海隅薄其百穀之糶寧止三年之祿非朕寡德所能臻茲蓋祖宗景靈被此嘉暉仰荷殊慶兢懷益深而淮南數州獨罹災患秋夏無雨田萊卒荒閭閻餓殍百億皆振永念於此良增撫然我念憂傷終夜不寐且有鑄貸安用流亡其准上半年相庸地稅官支米等宜三分放二分

大曆八年以京師歲穀歉收度支轉運江淮米價充關內和糶 按冊府元龜八年十一月癸未敕度支江淮轉運三十萬石米價并脚價充關內和糶時京師大稔穀價驟賤大麥斗至八錢粟斗至二十錢帝勸郵萬姓思以賑之以每歲漕稅四十萬石米至上都乃量遠近貴減至十萬石三十萬石米價充關內近加價和糶以利關中人權也

大曆十一年遣使賑杭州水災

按唐書代宗本紀不載 按冊府元龜十一年三月以杭州前歲水災命石散騎常侍蕭昕使於杭州宣慰賑給

大曆十二年以渭南令劉藻御史趙計奏損田不多貶官又獨放巴南諸州租庸及諸色徵科

按唐書代宗本紀不載 按舊唐書本紀十二年冬十月乙巳京兆尹黎幹奏本損田三萬一千頃度支使韓滉奏所損不多兼渭南令劉藻曲附滉亦云部內田不損差御史趙計檢渭南田亦附滉云不損上曰水旱咸均不宜渭南獨免復命御史朱叔檢之渭南損田三千頃上欽息曰縣令職在字人不損亦宜稱損損而不聞豈有卸隱之意耶劉藻趙計皆貶官

按冊府元龜十二年十一月庚辰詔曰朕以黎元者君之肢體傷之則慘恒賦稅者國之衣食均之則贍濟然特圖其本先假貧人之獲安所謂富國所以底慎財用國省征徭期致理於太寧庶自邇而及遠如聞巴南諸州自頃年以來西有蕃夷之寇南有羌戎之聚歲會戎事城出華車子弟困於征徭父兄疲於餽餉賦益煩重人轉流亡荒田既多頻歲仍儉戶口凋耗居邑蕭然去桑梓之重遂保山林以自活念性命於俄頃或逡巡於敗壞傳不云乎窮斯斯還顧其閭井夫豈不懷哀我矜人蓋非獲已朕之不德自咎良深其邑蓬萊集壁克通開等州互放二年租庸及諸色徵科亦宜蠲免仍委本道觀察使及刺史縣令切加招撫 德宗建中元年詔儉歲米價貴時出官米付行人下

價糶貨

按唐書德宗本紀不載 按舊唐書食貨志建中元年七月敕夫常平者常使數價如一一大豐不為之減大檢不為之加雖遇災荒人無菜色自今已後忽米價貴時宜量出官米十萬石麥十萬石每石量付兩市行人下價糶貨

建中三年趙贊言自軍興廢常平倉因荒流散請置常平糶重本錢又於諸道津要稅商貨以充常平之本

按唐書德宗本紀不載 按食貨志自太宗時置義倉及常平倉以備凶荒高宗以後稍假義倉以給他費至神龍中略盡元宗即位復置之其後第五琦請天下常平倉皆置庫以畜本錢至是趙贊又言自軍興常平倉廢垂三十年凶荒潰散餓死相食不可勝紀陛下即位京城兩市置常平官雖頻年少雨米不騰貴可推而廣之宜兼儲布帛諸於兩都江陵成都揚汴蘇洪置常平糶重本錢上至百萬緡下至十萬積米粟布帛絲麻貴則下價而出之賤則加估而收之諸道津會置吏閱商賈錢每緡稅二十竹木茶漆稅十之一以贍常平本錢德宗納其策屬軍用迫蹙亦隨而耗竭不能備常平之積 按舊唐書本紀三年九月丁亥判度支趙贊上言請為兩都江陵成都揚汴蘇洪等州置常平糶重本錢上至百萬緡下至十萬貫收貯斛斗匹段絲麻候貴則下價出賣賤則加估收糶權輕重以利民從之贊乃於諸道津要置吏稅商貨每貫稅二十文竹木茶漆皆什一稅一以充常平之本 按食貨志三年九

月戶部侍郎趙贊上言曰伏以舊制置倉儲粟名曰常平軍興以來此事闕廢或因凶荒流散餓死相食者不可勝紀古者平準之法使萬至之邑必有萬鍾之藏千室之邑必有千鍾之藏春以奉耕夏以奉耘雖有大賈富家不得豪奪吾人者蓋謂能行輕重之法也自陛下登極以來許京城兩市置常平官糧鹽米雖經頻年少雨米價騰貴此乃即日明驗實要推而廣之當與軍之時與承平或異事須兼儲布帛以備時須臣今商量請於兩都并江陵東都揚汴蘇洪等州府各置常平輕重本錢上至百萬貫下至數十萬貫隨其所宜量定多少惟置斛斗疋段絲麻等物貨賤則下價出賣物賤則加價收糴權其輕重以利疲人從之贊於是條奏諸道要都會之所皆置吏閱商人財貨計錢每貫稅二十天下所出竹木茶漆皆十一稅之以充常平本時國用稍廣常賦不足所稅亦隨時而盡終不能為常平本

與元元年詔螟蝗為害饑饉處各賜米石

按唐書德宗本紀不載 按舊唐書本紀與元元年冬十月乙亥詔宋毫淄青澤潞河東恆冀幽易定魏博等八節度螟蝗為害蒸民饑饉每節度賜米五萬石河陽東畿各賜三萬石所司搬運於楚州

按開府元龜元年十月乙亥詔曰頃戎役繁興兩河尤劇農桑俱廢井邑為墟丁壯服其干戈疲羸委於溝壑歷河朔而至太原自淮沂而被難內蟲螟為害雨澤愆時然猶微賦未息征役未寧東餼流離寄命無所其宋毫淄青澤潞河東常冀幽州易定魏博等八節度管內各賜米五萬石河陽東都畿二節度管

內各賜三萬石所司即搬運於楚州分付各委本道領受賑給將士百姓江淮之間連歲豐稔迫於供賦頗亦傷農收其有餘濟彼不足宜令度支於淮南浙江東西道加價和糴米三五十萬石差官搬運於諸道減價出糴貴從權便以利于人宜即遣使分道宣慰勞勉將士存問鄉閭有可以救歲凶災除人疾苦各與長吏商量奏聞

貞元 年以江淮州縣水留命度支增估糴粟

按唐書德宗本紀不載 按食貨志貞元初吐蕃劫盟召諸道兵十七萬戍邊關中為吐蕃蹂躪者二十年矣北至河曲人戶無幾諸道戍兵月給米十七萬斛皆糴於關中宰相陸贄以關中穀賤論和糴可至百餘萬斛計諸縣船車至太倉穀價四十有餘米價七十則一年和糴之數當轉運之二年一斗轉運之資當和糴之五斗減轉運以實邊存轉運以備時要江淮米至河陰者罷八十萬斛河陰米至太原倉者罷五十萬太原米至通渭橋者罷二十萬以所減米糴江淮水苗州縣斗減時五十以救之京城東渭橋之糴斗增時三十以利民以江淮糴米及減運直市絹帛送上都帝乃命度支增估糴粟三十二萬斛然不能盡用費議

貞元元年關中蝗旱大饑詔出大貶食節用緩刑不急之務一切停罷

按唐書德宗本紀貞元元年春旱八月甲子以旱避正殿減膳

按舊唐書本紀元年正月戊戌大風雪寒去秋螟蝗冬旱至是雪寒甚民饑凍死者路於路二月丙寅朔

經濟集編食貨典第七十二卷荒政部

遣工部尚書賈耽侍郎劉太真分往東都兩河宣慰河南河北饑米計千錢夏四月己卯江陵度支院失火燒租賦錢數百餘萬時關東大饑賦調不入由是國用益窘關中饑民蒸蝗蝻而食之五月癸卯分命朝臣禱羣神以祈雨蝗自海而至飛蔽天每下則草木及畜毛無復遺穀價騰騰秋七月庚申關中蝗食草木都盡甚甚滿水將竭井多無水有司計度支錢穀糴可支七旬甲子詔夫人人事失於下則天變形於上咎徵之作必有由然自頃已來災沴仍集雨澤不降綿歷三時蟲蝗繼臻彌互千里菽粟翔貴稼穡枯瘁數噉蒸人聚泣田畝與言及此實切痛傷徧祈百神曾不獲應方悟禱祠非救災之術言詞非謝諫之誠憂心如焚深自刻責得非刑法舛繆忠良鬱湮暴賦未蠲勞師靡息事或無益而重為煩費任或非當而橫肆侵逼有一於茲足傷和氣本其所以罪實在予萬姓何辜重罹饑饉所宜出大貶食節用緩刑側身增修以謹天戒朕自今視朝不御正殿有司供膳並宜減省不急之務一切停罷除諸軍將士外應食糧人諸色用度本司本使長官商量減能以救凶荒俟歲豐登即令復舊十一月丁丑詔文武常參官共賜錢七百萬貫以歲凶致貧衣冠窘乏之故也

按開府元龜元年正月辛丑賑貸諸道將士百姓昭

義河東成德幽州義武魏博奉誠晉慈隰宣武平盧

汴滑河陽東都畿汝州諸軍節度合賑米四十七萬

石二月二日詔曰諸道節度觀察使所進耕牛委京

兆府勘責有地無牛百姓量其產業以所進牛均平

給賜其有田五十畝已下人不在給限給事中袁高

丁巳年閏三月

奏曰聖慈所憂切在貧下百姓有田不滿五十畝者尤是貧人請量三兩戶共給牛一頭以濟農事從之是時蝗旱之後牛多疫死諸道節度韋卓李叔明等咸進耕牛故有是命 又按冊府元龜元年十二月丁亥詔曰朕以眇身繼明列聖不能纂承先志以洽昇平馴致寇戎屢興兵革上元降書蝗旱為災年不順成人方歎食言念於此實用傷懷是以齋心別官與人新穀雖陽和在候而黔首無聊稱慶於予篇所不敢其來年正月一日朝賀宜罷

貞元二年以歲饑罷元會減御膳

按唐書德宗本紀二年正月丙申詔減御膳之半

按舊唐書本紀二年春正月壬辰朔以歲饑罷元會禮丙申詔以兵饑御膳之費減半官人月共糧米都一千五百石飛龍馬減半料

按冊府元龜二年正月以關輔荒饑停朝賀之禮詔曰朕以薄德託於人上屬精思理期致雍熙而鑒之不明百度多缺傷痍未瘳而征伐薦起流亡既甚而賦歛彌繁人怨上聞天災下降連歲蝗旱邊無農收惟茲近郊遭害尤甚豈非吳胥作虐深警予衷踴躍憂慙固知牧指今穀價騰踊人情震驚鄰閭不居骨肉相棄流離殞斃所不忍聞公私之間廩食俱竭既無賑恤猶復徵求財殫力盡捶楚仍及弛征則軍莫之贖厚取則人何以堪念茲困窮痛切心骨思所以濟活無津涯補過實在於增修救患莫如於息費致咎之本既蘇朕躬謝謫之誠當自朕始尚食每日所進御膳宜各減一半應官內人等每月惟供給糧米一千五百石其飛龍馬從今已後至四月三十日

並減半料京兆尹應科徵諸色名目一切並停如有能減有均無調救貧乏者當授以官秩

貞元四年詔水旱諸州委長吏貸種

按唐書德宗本紀不載 按冊府元龜四年正月詔曰諸州遭水旱委長吏貸種

貞元六年以旱遣使祭禱又賜京兆府麥種

按唐書德宗本紀六年春旱

按冊府元龜六年三月以旱故遣使分禱山川是春京畿關輔河南大無麥苗 又按冊府元龜六年七月以麥不登賜京兆府種五萬石

貞元八年以天下水災遣使分道賑給又教諸軍鎮和權

按唐書德宗本紀不載 按權德輿傳德輿字載之為太常博士改左補闕貞元八年開東淮南浙西州縣大水壞廬舍漂殺人德輿建言江淮田一善熟則旁資數道故天下大計仰於東南今連雨二時農田不開逃亡日衆宜擇舉臣明議通方者持節勞徕問人所疾苦蠲其租入與連帥守長議求所宜賦取於人不若藏於人之固也帝乃遷美陟等四人循行慰撫

按舊唐書本紀八年八月乙丑以天下水災分命朝臣宣撫賑貸丁未詔以歲凶罷九月賜宴十二月庚寅詔賜遭水縣之絕戶米三十萬石

按文苑英華八年八月敕王若欽若天道慈經下人修己以導其和平推心以恤乎災患康時濟理何某由斯朕以薄德託於人上屬精庶政思致雍熙而誠不動天政或多闕陰氣作沴暴風薦臻自江淮而及

於荆襄歷陳宋而施於河朔其間郡邑連有水災城郭多傷公私為害損害廬舍浸敗田苗或親戚漂淪或資產沉溺為之父母所不忍聞言疚懷良深愧憫夙夜祇畏悼於厥心用是寢不獲安食而忘味特加賑恤庶洽幽明宜令中書舍人奚陟往江陵府及襄陽復隨鄂中光蔡等州左庶子姚齊梧往陳許宋毫穎徐泗濠等州秘書少監常咸往恆冀德棣深趙等州京兆尹常武往揚楚廬滁潤蘇常等州宣慰廉諸州百姓因水漂蕩家業淹損田苗交至之絕不能自存者委宜撫使量與賑給沉溺死者各加賜物仍並以前所在官中兩稅錢物地稅米充給其溺死人在官為收斂埋瘞用申憫隱以慰幽魂其田苗所損亦與宣撫使與觀察使刺史約所損多少速具聞奏於獻一夫不獲一物失所刑罰不中賦斂不均皆可以損陰陽之和致水旱之沴其州縣應有繫囚及獄訟久未決者委所在長吏即與疎理務從寬簡使絕滯冤貪官舉吏倚法害公特加懲肅用明典憲災傷之後切在撫接咨爾方鎮之臣迫於州縣守宰咸知悉乃心力設法救人以恤凶災以補傷敗庶令安集式副憂勤宣布朕懷使各知悉 又按文苑英華八年十二月敕惠下恤人先王之政典親年制用有國之恆規故有出公粟以賑困窮弛賦征以寬物力救患之道何莫由茲頃以諸道水災遣使宣慰中心是屬夕惕彌勤省覽條奏就懷憫惻用加救恤以濟吾人應諸道遭水漂蕩家業淹損田苗之絕戶宜共賜米三十萬石所司各據州府之絕戶多少速分配每道合給米數聞奏並以度支見貯米充度支即與本